



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XVII. De monastica vita.

[urn:nbn:de:hbz:466:1-45760](#)

CAP. XVII.

De monastica vita.

Cat. 6. 1 **O**PORTET quod discas te ipsum
in multis frangere, si vis pacem
& concordiam, cum aliis tenere. Non
est paruum in monasteriis, vel in con-
gregatione habitare, & inibi sine que-
rela conuersari, & usque ad mortem
fidelis perseuerare. Beatus, qui ibidem
Lue 16. benè vixit, & feliciter consummauit.
Si vis debitè stare & proficere, teneas
te tamquam exulem peregrinum su-
per terram. Oportet te stultum fieri
propter Christum, si vis religiosam
ducere vitam.

I Pet. 2 2 Habitus & tonsura, modicum con-
fert: sed mutatio morum, & integra
mortificatio passionum, verum faciūt
Eccle. 1. religiosum. Qui aliud quærit quam
& Ec- pure Deum, & animæ suæ salutem,
cli. 1. non inueniet nisi tribulationem & do-
lorem. Non potest etiam diu stare pa-
cificus, qui non nititur esse minimus,
& omnibus subiectus.

Mat. 20 3 Ad seruiendum venisti, non ad re-
gendum: ad patiendū & laborandum,
scias

scias te vocatum , non ad otiamdum
vel fabulandum. Hic ergo probantur
homines, sicut aurum in fornace. Hic
nemo potest stare , nisi ex toto corde,
se voluerit propter Deum humiliare.

CAP. XVIII.

De exemplis sanctorum Patrum.

IN T V E R E sanctorum Patrum vi- *Heb. 11*
uida exépla, in quibus vera perfe-
ctio refulsit & religio, & videbis, quā
modicum sit, & pænè nihil, quod nos
agimus: Heu, quid est vita nostra, si il-
lis fuerit comparata? Sancti & amici
Christi, Domino seruierunt in fâne
& siti, in frigore & nuditate, in labore
& fatigatione, in vigiliis & ieuniis, in
orationibus & meditationibus san-
ctis, in persequitionibus & oppro-
briis multis.

2 O quām multas & graues tribula-
tiones, passi sunt Apostoli, Martyres,
Confessores, Virgines, & reliqui om-
nes, qui Christi vestigia voluerunt se-
qui. Nam animas suas in hoc mundo *Ies. 12.*
oderunt, ut in æternâ vitam eas possi-
derent. O quām strictam & abdicatam *Mat. 7.*